



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԴԱՎԹԱՇԵՆ
ՎԱՐՉԱԿԱՆ ՇՐՋԱՆԻ ԴԵԿԱՎԱՐ**

Դավթաշենի 3-րդ թաղ., (+374 11) 518-282, էլ. փոստ՝ davtashen@yerevan.am

№ 29/ Ն/20848-24

« 25 » _____ ապրիլ 2024 թ.

«ԱՎՐՈՐԱ ՍԹԱՐ» ՍՊ ԱՆԿԵՐՈՒԹՅԱՆ ՏՆՕՐԵՆ
ՍՈՍ ՄԿՐՏՉՅԱՆԻՆ

/ Հասցե՝ Ք.Երևան, Բաշինջաղյան փող. 6-րդ, շենք, բն. 21
star.avrora@inbox.ru/ Հեռ. 099-690-600/

Հարգելի՛ պարոն Մկրտչյան,

Համաձայն Երևանի քաղաքապետարանի և «ԱՎՐՈՐԱ ՍԹԱՐ» ՍՊ ընկերության միջև 22.01.2024թ. կնքված ԵՔ-ԷԱՃԾՁԲ-24/23-1 ծածկագրով ծառայությունների մատուցման գնման պայմանագրի /13.02.2024թ. կնքված N1 համաձայնագիր/ 1.1 կետի՝ Պատվիրատուն հանձնարարում է, իսկ Կատարողը ստանձնում է մշակութային միջոցառումների կազմակերպման ծառայությունների մատուցման պարտավորությունը՝ համաձայն սույն պայմանագրի անբաժանելի մասը կազմող N1 հավելվածով սահմանված տեխնիկական բնութագրի պահանջների, N 2 հավելվածով սահմանված ծառայության մատուցման ժամանակացույցով նախատեսված ժամկետներով, իսկ Պատվիրատուն պարտավոր է ընդունել մատուցված ծառայությունը և վճարել դրա դիմաց:

Պայմանագրով նախատեսված 2-րդ չափաբաժինը՝ «Տեառնընդառաջը», և 3-րդ չափաբաժինը՝ «Բուն բարեկենդանը», ըստ Հայ Առաքելական Եկեղեցու՝ «Բուն բարեկենդան» -ի տոնը նշվում է 11.02.2024թ./, իսկ «Տեառնընդառաջ» -ը՝ 13.02.2024 թ-ին:

Պատվիրատուն 06.02.2024թ-ին Կատարողի էլ. փոստին/star.avrora@inbox.ru/ ծանուցել է ԵՔ-ԷԱՃԾՁԲ-24/23-1 ծածկագրով պայմանագրի 2-րդ և 3-րդ չափաբաժինների պարտավորությունների կատարման մասին: Սակայն Կատարողը փաստացի չի կատարել պայմանագրային պարտավորությունները: Ուստի հիմք է առաջանում պայմանագրի 2.1.3 կետի համաձայն՝ միակողմանի լուծել պայմանագիրը, քանի որ Կատարողն էականորեն խախտել է պայմանագրի պահանջը. այն է՝ պայմանագրի 18 չափաբաժիններից չի կատարել 2 չափաբաժինը, ինչը համարվում է պայմանագրի ոչ պատշաճ կատարում:

ՀՀ քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

Համաձայն ՀՀ քաղաքացիական օրենսգրքի 345-րդ հոդվածի 1-ին մասի՝ «Պարտավորության ուժով մի անձը (պարտապանը) պարտավոր է մեկ այլ անձի

(պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարել իր պարտականությունները»:

Պայմանագրի 2.1.3 կետի համաձայն՝ Պատվիրատուն իրավունք ունի միակողմանի լուծել պայմանագիրը և պահանջել հատուցելու իրեն պատճառած վնասները:

«Հ քաղաքացիական օրենսգրքի 466-րդ հոդվածի 2-րդ մասի համաձայն՝ «Էական է ճանաչվում կողմերից մեկի թույլ տված պայմանագրի խախտումը, որը հանգեցնում է մյուս կողմի համար այնպիսի վնասի, որն զգալիորեն գրկում է վերջինիս այն բանից, ինչը նա իրավունք ուներ ակնկալել պայմանագիրը կնքելիս»:

«Հ քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Այլ պարագայում համաձայն ՀՀ քաղաքացիական օրենսգրքի 468-րդ հոդվածի 2-րդ մասի՝ «Կողմը կարող է պայմանագրի փոփոխման կամ լուծման մասին պահանջը դատարան ներկայացնել միայն պայմանագրի փոփոխման կամ լուծման առաջարկի վերաբերյալ մյուս կողմի մերժումը ստանալուց կամ այդ առաջարկում նշված ժամկետում պատասխանը չստանալուց հետո, իսկ դրա բացակայության դեպքում՝ երեսուրյա ժամկետում կիրականացվի պայմանագրի միակողմանի լուծման գործընթաց»:

«Հ քաղաքացիական օրենսգրքի 469-րդ հոդվածի 5-րդ մասի համաձայն՝ «Եթե պայմանագրի փոփոխման կամ լուծման համար հիմք է ծառայել կողմերից մեկի թույլ տված պայմանագրի էական խախտումը, մյուս կողմն իրավունք ունի պահանջել հատուցելու պայմանագրի փոփոխմամբ կամ լուծմամբ պատճառված վնասները:

Ընկերության կողմից, որպես պայմանագրային պարտավորությունների պատշաճ կատարման ապահովում ներկայացված որակավորման և պայմանագրի ապահովումները կից վճարման պահանջագրերի հետ միասին, սահմանված կարգով, կներկայացվեն Ընկերությանը սպասարկող բանկ՝ տուժանքի մասին համաձայնագրերով սահմանված գումարներից համապատասխանաբար 1803000 (մեկ միլիոն ութ հարյուր երեք հազար) ՀՀ դրամ/որոկովորման ապահովում/ և 1202000 (մեկ միլիոն երկու հարյուր երկու հազար) ՀՀ դրամ/պայմանագրի ապահովում/ Երևանի քաղաքապետարանի 900015211429 հաշվեհամարին փոխանցելու նպատակով:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմին և մասնակցին: Լիազորված մարմինը

մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգերորդ օրը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորությունը չի վերացել:

Ընդունելի գիտություն.

Եթե «Գնումների մասին» ՀՀ օրենքի 6-րդ հոդվածի 1-ին մասի 6-րդ մասով նախատեսված լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարում է հայտի, պայմանագրի և (կամ) որակավորման ապահովման գումարը, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացվում լիազորված մարմնին և եթե մասնակցի կամ պայմանագիրը կնքած անձի կողմից հայտի, պայմանագրի և (կամ) որակավորման ապահովման գումարի վճարումն իրականացվում է լիազորված մարմնին որոշումը ներկայացվելու վերջնաժամկետը լրանալուց հետո, բայց ոչ ուշ, քան մասնակցին կամ պայմանագիր կնքած անձին ցուցակում ներառելու վերջնաժամկետը լրանալու օրը, ապա պատվիրատուն դրա մասին գրավոր տեղեկացնում է լիազորված մարմնին, որի հիման վրա մասնակիցը չի ներառվում ցուցակում:

ՀԱՐԳԱՆՔՈՎ՝



ԱԼԲԵՐՏ ՀՈՎԱՍԱՓՅԱՆ

Ֆինանսական բաժին
Կատարող՝ Ս. Ասատրյան
Հեռ. 011518285